

## “Давлат бошқарувида рақамлаштириш: муаммо ва ечимлар” мавзусидаги республика илмий-амалий конференцияси ўтказилиши ҳақида

### АХБОРОТ ХАТИ

Ўзбекистон Республикаси Президентининг 2017 йил 8 августдаги “Ўзбекистон Республикаси Президенти ҳузуридаги Давлат бошқаруви академиясида бошқарув кадрларини тайёрлаш, қайта тайёрлаш ва малакасини ошириш тизимини янада ривожлантириш чора-тадбирлари тўғрисида”ги ПФ-5139-сонли Фармони, Ўзбекистон Республикаси Президентининг 2019 йил 17 январдаги “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Фаол инвестициялар ва ижтимоий ривожланиш йили”да амалга оширишга оид давлат дастури тўғрисида”ги ПФ-5635-сонли Фармони ҳамда Ўзбекистон Республикаси Президентининг 2018 йил 28 декабрдаги Олий Мажлисга Мурожаатномасида “Рақамли Ўзбекистон-2030” дастурини амалга ошириш борасида бир қатор вазифалар қўйилган.

Юқоридаги вазифалар асосида Ўзбекистон Республикаси Президенти ҳузуридаги Давлат бошқаруви академиясида **2019 йил 12 апрель** куни “Давлат бошқарувида рақамлаштириш: муаммо ва ечимлар” мавзусида республика илмий-амалий конференцияси ўтказилади.

Конференциянинг мақсади давлат бошқарувида, давлат хизматларини кўрсатишида, иқтисодиётнинг барча соҳаларида, хизмат кўрсатиш каби соҳаларда рақамли трансформацияни амалга ошириш муаммолари, Блокчейн технологияси, интерактив давлат хизматларини такомиллаштириш, ВР, давлат бошқарувида ахборот хавфсизлигини таъминлаш ва истиқболдаги вазифаларини белгилаш ҳисобланади.

### КОНФЕРЕНЦИЯНИНГ АСОСИЙ ЙЎНАЛИШЛАРИ

**1-йўналиш.** Давлат бошқарувини рақамлаштиришнинг аҳамияти. Блокчейн технологиялари.

**2-йўналиш.** Давлат бошқарувида ахборот хавфсизлигини таъминлаш муаммолари.

#### **Конференцияга тақдим этиладиган илмий мақолаларга талаблар:**

- илмий мақолалар конференция йўналишларига оид долзарб мавзуларда, илмий таҳлил ва тугалланган фикрлар асосида, манзилли таклиф ва тавсиялар билан тақдим этилиши лозим;

- конференция тезис ва материаллари ўзбек, рус ва инглиз тилларида тақдим этилиши мумкин;

- илмий мақолалар матнлари таҳрир қилинган ҳолда A4 ўлчовидаги коғозга, барча тарафдан 2 см. жой қолдириб, расмийлаштирилади.

Биринчи қаторда ўртадан катта ҳарфлар билан мақоланинг номи, бир қатор ташлаб, кейинги қатордан муаллифнинг фамилияси, исми ва шарифи ёзилади. Янги қатордан эса мақола муаллифи, ишлайдиган ташкилоти ва лавозими қўрсатилиди. Сўнгра 1 интервал қолдирилиб, мақола аннотацияси ҳамда таянч сўзлар мақола ёзилган тилда ёзилади.

Сўнгра бир сатр ташлаган ҳолда янги сатрдан мақола матни 1 интервалли сатрларда ёзилади. Матн MS Word дастурида, Times New Roman шрифтида, 12 кегел катталигига ёзилиб, 3-4 бет ҳажмда бўлиши лозим. Математик формулалар *Math.Type* ёки *Equation* дан фойдаланилган ҳолда киритилади. Фойдаланилган адабиётлар рўйхати матн охирида берилади.

**Конференция тили:** ўзбек, рус ва инглиз.

Конференцияда қатнашиш учун иштирокчилар **2019 йилнинг 10 марта гача** [conf.dba.uz](http://conf.dba.uz) сайтидан рўйхатдан ўтишлари ва **2019 йилнинг 1 апрели гача** белгиланган тартибда мақолаларни сайтга юклашлари лозим.

Конференция талабига мос келмаган мақолалар материаллар тўпламига киритилмайди. Юборилган мақолалар муаллифларга қайтарилмайди.

**Ташкилий қўмита манзили:** Ўзбекистон Республикаси Президенти ҳузуридаги Давлат бошқаруви академияси. Тошкент шаҳри, Ислом Каримов кўчаси, 45 уй. Тел.: (99871) 232-61-18, 232-61-26, факс: (99871) 239-17-83. Батафсил маълумот [conf.dba.uz](http://conf.dba.uz) сайтида берилган.

# ИЛМИЙ МАҚОЛА ВА ТЕЗИСЛАРНИ ТАЙЁРЛАШ НАМУНАСИ

Хусанов Т.Н.

Давлат бошқаруви академияси, 2-босқич тингловчиси

**Аннотация:** мақоланинг қисқача мазмуни берилиши лозим (5-10 сатргача).

**Таянч сўзлар:** мақола, интервал, муаллиф, юқори тепа, математик формула, электрон манзил, анжуман (камид 10 та калит сўз).

## Тайёрланадиган аналитик докладга қўйиладиган умумий талаблар

Мақола қўйидаги талабларга жавоб бериши лозим:

– мавзуда келтирилган муаммоларнинг Ўзбекистон Республикаси ва ёритилаётган соҳа учун долзарблигини, шунингдек унинг ечимини илмий ва амалий асослаган ҳолда ёритиши;

– мавзуга оид мавжуд муаммоларни тўлиқ таҳлил қилиш орқали батафсил ёритиб бериш, уларнинг юзага келиш сабаблари ва оқибатлари тенденциясини кўрсата билиши;

– муаммоларни ҳал этиш йўлларини аниқлаш ва ечимининг аҳамиятини кўрсатиш;

– мавзуни тўлиқ таҳлил қилган ҳолда келажакда муаммонинг ечими бўйича аниқ ва манзилли таклифлар бериши.

– ҳаволаларнинг пухталик билан келтирилиши, баён қилинаётган мавзуга дахлдор фикрларнинг тасдиғи (ҳужжатлар, статистик маълумотлар, эксперталар баҳоси ва ҳоказо).

– холосаларнинг асосланганлиги, уларнинг асосий матнга ва қўйилган масалаларга тўғри келиши. Билдирилган таклиф ва тавсияларнинг асосланганлиги.

*Мақола матнининг тўғри расмийлаштирилмаганлиги (имловий, тиниши белгилар, интервал, ҳажми, ҳошиялар, рақамлаш ва бошқалар), стилистик, орфографик ва пунктуациялаш қоидаларига риоя қилинмаганлиги, жадвал, расм ва ҳаволаларнинг тўғри расмийлаштирилмаганлиги (ОАК талабларига асосан) юборилган мақолаларнинг қабул қилинмаслигига асос бўлади.*